

Kunjung Hormat Timbalan Pengarah Kanan BPI ke Jabatan Pendidikan WP Labuan



Labuan, 15 Januari 2026 – Timbalan Pengarah Kanan Bahagian Pendidikan Islam, Kementerian Pendidikan Malaysia, Ustaz Ahmad Lutfi bin Abu Bakar telah mengadakan kunjung hormat ke Jabatan Pendidikan Wilayah Persekutuan Labuan pada petang tadi.

Perjumpaan berlangsung di Bilik Mesyuarat Botanikal dengan penuh mesra dan berhemah.

Antara perkara yang dibincangkan termasuk dapatan daripada pemantauan dan lawatan kerja di Majlis Agama Islam Labuan, lawatan tapak ke Sekolah Menengah Agama MAIWPL serta pemantauan minggu pertama persekolahan yang turut melibatkan pengagihan bantuan awal persekolahan.

Selain itu, pemantauan turut dilakukan di asrama dan dapur asrama murid-murid Sekolah Menengah Agama Majlis Agama Islam Wilayah Persekutuan Labuan (SMA MAIWPL) diikuti dengan sesi perjumpaan bersama warden asrama bagi meneliti aspek kebajikan dan pengurusan murid-murid.

Turut hadir dalam lawatan ke sekolah ialah Pengurus Majlis Agama Islam WP Labuan, En. Mohd Rafie bin Zakaria; Ketua Penolong Pengarah Kanan Jabatan Agama Islam WP Labuan, En. Mohd Suhaimi bin Mohd Yusof; pegawai Jabatan Pendidikan WP Labuan; pegawai MAIWPL; serta pegawai JAWI Labuan.

Kunjungan ini diharap dapat memperkukuh kerjasama antara agensi pendidikan dan agama di Labuan sekaligus meningkatkan mutu pengurusan sekolah serta kebajikan murid-murid di Wilayah Persekutuan Labuan.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)

[#Tahuninitahunkita](#)

[#MadaniBekerja](#)

[#PendidikanNadiNegara](#)























